



Nezavisna komisija za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije
i druge mjere koje je izrekao u krivičnom postupku Sud Bosne i Hercegovine,
strani sudovi za djela predviđena Krivičnim zakonom Bosne i Hercegovine
ili međunarodnim ugovorom čiji je potpisnik Bosna i Hercegovina
ili drugi sud u skladu sa zakonom Bosne i Hercegovine

Broj: 05/6-50-13-27-31-3/18

Sarajevo, 5. 6. 2018.

Z A P I S N I K

**31. sjednice Nezavisne komisije za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije i
druge mjere koje je izrekao u krivičnom postupku Sud Bosne i Hercegovine, strani
sudovi za djela predviđena Krivičnim zakonom Bosne i Hercegovine ili međunarodnim
ugovorom čija je potpisnica Bosna i Hercegovina ili drugi sud u skladu sa zakonom
Bosne i Hercegovine (u daljnjem tekstu: Nezavisna komisija)**

Sjednica je održana u Zenici, 5. 6. 2018, s početkom u 17 sati.

PRISUTNI ČLANOVI NEZAVISNE KOMISIJE: Mile Lasić, predsjednik
Nezavisne komisije, Azra Alajbegović, prva zamjenica predsjednika, Brana Spasojević,
druga zamjenica predsjednika, Aleksandar Faladžić i Vedad Gurda, članovi.

OSTALI PRISUTNI: Ivana Lovrić, koja obavlja poslove sekretara Nezavisne
komisije.

Sjednicu je sazvao Mile Lasić, predsjednik Nezavisne komisije. Nakon što je
konstatirao da postoji kvorum za rad, otvorio je 31. sjednicu.

Prije usvajanja dnevnog reda predsjednik Nezavisne komisije Mile Lasić predložio je
dopunu dnevnog reda pod tačkom 3. koja bi glasila: Razmatranje predstavke broj: 05/6-50-
17-1316/18 od 30. 5. 2018.

Nezavisna komisija je jednoglasno, uz određene dopune, usvojila sljedeći

DNEVNI RED

1. Usvajanje Zapisnika 30. sjednice Nezavisne komisije;
2. Razmatranje predstavke zatvorenika Kazneno-popravnog zavoda Zenica, broj: 05/6-50-17-1627/18 od 23. 5. 2018;
3. Razmatranje predstavke broj: 05/6-50-17-1316/18 od 30. 5. 2018;
4. Informacija o posjeti Kazneno-popravnom zavodu Zenica;
5. Tekuća pitanja:
 - a) Plan aktivnosti za juli 2018. godine.

Ad. 1. Usvajanje Zapisnika 30. sjednice Nezavisne komisije

Zapisnik 30. sjednice Nezavisne komisije usvojen je jednoglasno, bez primjedbi.

Ad. 2. Razmatranje predstavke zatvorenika Kazneno-popravnog zavoda Zenica, broj: 05/6-50-17-1627/18 od 23. 5. 2018.

Članovi Nezavisne komisije jednoglasno su primili k znanju predstavku te konstatirali da je ona bila predmet današnje obavljene posjete Kazneno-popravnom zavodu Zenica.

Ad. 3. Razmatranje predstavke broj: 05/6-50-17-1316/18 od 30. 5. 2018.

U uvodu u ovu tačku dnevnog reda predsjednik Nezavisne komisije Mile Lasić istakao je da je 28. 5. 2018. na e-mail adresu Nezavisne komisije pristigla predstavka M.G. koja je po prispjeću dostavljena svim članovima Nezavisne komisije te otvorio raspravu. Nakon rasprave i detaljnog razmatranja predstavke, članovi Nezavisne komisije jednoglasno su konstatirali da predstavka nije u nadležnosti Nezavisne komisije te da se prosljedi Zajedničkoj komisiji za ljudska prava Parlamentarne skupštine BiH na daljnje postupanje.

Ad. 4. Informacija o posjeti Kazneno-popravnom zavodu Zenica

Predsjednik Nezavisne komisije Mile Lasić u uvodu u ovu tačku dnevnog reda naglasio je kako su članovi Nezavisne komisije danas, 5. 6. 2018, obavili najavljenju posjetu Kazneno-

popravnom zavodu Zenica u vezi s pet predstavki koje su prethodno pristigle Nezavisnoj komisiji, te otvorio raspravu.

U raspravi je učestvovala većina članova Nezavisne komisije nakon čega su se dogovorili da se pismeni izvještaj pripremi i razmatra na narednoj sjednici Nezavisne komisije te utvrdili metodologiju pisanja izvještaja.

Ad. 5. Tekuća pitanja

a) Plan aktivnosti za juli 2018. godine

U okviru ove tačke dnevnog reda članovi Nezavisne komisije jednoglasno su se dogovorili da se Zajedničkoj komisiji za ljudska prava Parlamentarne skupštine BiH uputi dopis u vezi s naknadama za rad u Nezavisnoj komisiji i preporukama iz Izvještaja Nezavisne komisije za 2017. godinu.

U okviru ove podtačke članovi Nezavisne komisije dogovorili su da se naredna sjednica Nezavisne komisije održi sredinom jula 2018. godine

Predsjednik Nezavisne komisije Mile Lasić zaključio je sjednicu u 18 sati.

SEKRETARKA

NEZAVISNE KOMISIJE

Ivana Lovrić

PREDSJEDNIK

NEZAVISNE KOMISIJE

Dr. sc. Mile Lasić